

綱鑑易知錄

周商夏

A13

537

3



413
537
3

尺木堂綱鑑易知錄卷之二

天正十五年六月
花房仙大照氏等贈

通鑑前編定本

山陰吳乘權楚材同輯

周之炯靜專
周之燦星若

少康

夏紀

少康元歲

少康奔虞

綱癸卯夏少康元歲相后緡生少康于有仍寒泥篡位夏統

中絕者凡三十九年而胡氏大紀即以少康生之年為元歲蓋少康既生則夏統不絕也

綱甲子二十有二歲夏少康自有仍奔虞綱少康為

綱

夏

仍牧正之牧官澆使椒澆臣求之逃奔有虞舜後為之庖

正掌膳羞虞思虞君名思妻去聲之二姚以二女妻而邑諸

綸今山西平陽府榮河縣有田一成十里有衆一旅五百能布其

德而兆其謀以收夏衆夏遺民撫其官職夏遺臣

綱辛巳夏少康三十有九歲寒泥僭據天位凡三十年今仍書夏少康者

亦以見夏統不絕云爾蓋與元歲係少康之義同

綱壬午四十歲夏遺臣靡興師討浞伏誅奉王踐天子位

子命誅澆及豷復禹舊績夏道復去聲興諸侯畢

朝紀夏之舊臣靡自有禹氏收二國斟灌斟鄩之燼蓋火餘

夏道復興

靡討寒泥

少康三十有九歲

一成一旅

中興自少康始封無餘於越

木曰燼謂二國之遺衆也以滅浞而立少康使女艾少康臣滅澆于

過歌澆使季杼康子滅豷于戈豷封有窮由是

遂亡少康乃歸故都於是夏道復興諸侯來朝

雙湖胡氏曰少康時嘔亂離之間復禹跡還舊都祀夏配天不失舊物而有夏中興焉後之言

中興者當自少康始少康其中興之賢臣乎

綱癸巳五十有二歲封庶子無餘於越以奉先王墓

祀於越之先始此紀少康恐禹墓之絕祀乃封其庶子於越

號曰無餘春秋祀禹墓於會稽

綱癸卯六十有一歲王崩子季杼踐位

帝杼 杼可謂能帥禹者。戡定寒氏之亂。佐其父少康。成中興之功。故夏后氏報焉。

綱甲辰夏后杼元歲。

綱庚申十有七歲王崩子槐踐位。

帝槐

綱辛酉夏后槐元歲。

綱丙戌二十有六歲王崩子芒踐位。

帝芒

綱丁亥夏后芒元歲。

綱甲辰十有八歲王崩子泄踐位。

帝泄

綱乙巳夏后泄元歲命東夷命西羌。時六夷來王於。是始加爵命。

綱庚申十有六歲王崩子不降踐位。

帝不降

綱辛酉夏后不降元歲。

綱己未五十有九歲王崩弟扃駟立。

帝扃

綱庚申夏后扃元歲。

綱庚寅二十有一歲王崩子廑勤踐位。

帝廩

綱辛巳夏后廩元歲

綱辛丑二十有一歲王崩不降之子孔甲立

帝孔甲

綱壬寅夏后孔甲元歲

綱甲辰三歲采鐵鑄劍

綱戊辰二十有七歲商主癸生子履紀主癸之妃扶

都見白氣貫月而生湯堯時封契于商賜姓子

綱壬申二十有一歲王崩于皐踐位氏主癸其十二世孫也

帝皐

綱癸酉夏后皐元歲

綱癸未十有一歲王崩子發踐位

帝發

綱甲申夏后發元歲諸夷賓于王門

綱壬寅十有九歲王崩子癸踐位是為桀

桀癸

綱癸卯夏后癸元歲

綱甲子二十有二歲公劉遷國于豳紀后稷封部今陝

公劉遷豳

西西安府武功縣別姓姬氏至公劉遷于豳今西安府邠州公劉雖

在戎狄之間復脩后稷之業務耕種行上聲。巡視也。地宜

自漆沮沮。漆沮二水名在豳地渭水出陝西臨洮府渭源縣至西安府同州入河

取材用行者有資居者有畜積恣民賴其慶百姓懷

之多從而保歸焉周道之興自此始

有施氏獻妹喜

綱乙亥三十有三歲伐蒙山有施氏獻妹末喜王嬖

之紀桀能申鈎索鐵負恃其力不務德而武傷百姓

尚武勇而有傷害百姓有趙梁者教為無道勸以貪狠伐蒙山國名

有施氏有施氏進女妹喜桀嬖之去聲所言皆聽為去聲

為瓊室象廊瑤臺玉牀行淫縱樂為肉山脯林酒池

可以運舟一鼓而牛飲者三千人以為戲劇極

綱丁丑三十有五歲商主癸薨子履嗣位是為成湯**綱**商

湯始居亳**紀**自契封商至于成湯凡八遷湯始居亳

今河南歸德府即商丘也從先王所居

綱戊寅三十有六歲商湯元祀商湯始用師征葛

綱己卯三十有七歲商湯遣使以幣聘伊尹于有莘

今河南開封府陳留縣傳記謂伊尹生於空桑空桑蓋地名在陳留縣南**綱**商湯進伊尹

于夏王桀**紀**伊尹適夏告以堯舜之道桀不聽

湯進伊尹于桀

囚湯夏臺

綱壬申四十歲伊尹復歸于亳

伊尹凡五適夏告以堯舜之道桀終不聽

綱甲戌四十有二歲

商湯七祀

夏王桀囚商湯于夏臺既

而釋之紀是時田

獵也

者張網四面合圍以殄天物於

是成湯出田命去

上聲

網三面曰欲左者左欲右者右

惟不用命者乃入吾網漢南諸侯聞之曰湯仁及禽

獸而況於人乎皆歸心焉桀疾其大得諸侯和也名

之囚於重泉夏臺夏獄名已而釋之

綱癸巳五十有一歲太史令終古出奔商紀夏桀鑿

池為夜宮男女雜處三旬不朝太史令終古執其圖

終古奔商

湯仁及禽獸

費昌歸湯

法泣諫不聽終古出奔商。○大費之裔曰費昌見二

日東出焰西沉問於馮夷夷曰西夏東商費昌乃歸

湯史記秦本紀伯翳舜時賜姓嬴氏生子二人次日

若木實費氏其裔孫曰費昌去夏歸商故嬴姓多顯遂為諸侯秦祖始此。伯翳即伯益秦聲以入為去故謂益為翳也。

綱甲午五十有二歲

商湯十有七祀

殺諫臣關龍逢

旁

紀關

龍逢進諫曰人君謙恭敬信節用愛人故天下安而

社稷宗廟固今王侈靡嗜殺民惟恐君之後亡矣人

心已去天命不祐盍少悛詮也乎不聽龍逢立而不

去桀怒遂殺之綱夏亡是時兩日鬪衆星殞泰山

殺關龍逢

伊洛竭

崩地震伊洛竭

伊洛二水名俱在河南河南府

雙湖胡氏曰唐虞之時太和之景象也禹啓之世亨通之嘉會也夏商之末造其天時肅殺之秋乎湯武適當其時革命之舉不容不順乎天而應乎人矣是故天之道生於春長於夏肅殺於秋謂肅殺非天之道不可也聖人之道揖遜於唐虞家傳於夏禹放伐於商周謂放伐非聖人之道亦不可也聖人初何嘗容心於其間哉與時偕行而已觀四時則知天矣觀天則知聖人矣音武革命順乎天而應乎人庸齋許氏曰五帝之禪三代之繼皆數然也其間如堯舜有子之不肖變也堯舜能通之以揖遜而不能使己子之不肖朱均湯武遇君之無道變也湯武能通之以征伐而不能使夏商之無桀紂聖人遇變而通之亦惟達於自然之數一毫之已私無與焉

觀天則知聖人

聖人遇變能通

綱鑑易知錄

卷之二

六

右夏十七主計四百三十九年

商紀

成湯

成湯十有八祀

綱乙未商王成湯十有八祀

正位而不改元

五峰胡氏曰人君即位之一年謂之元年一定而不可易也成湯之元立於桀之三十六歲矣其所以克享天心受天明命以有九疇之師爰革夏正本是而為之者也又可改乎

綱王誓師伐夏桀放之于南巢紀桀暴戾不悛王乃

誓師伐桀伊尹相湯費昌為御與桀戰于鳴條

地名在山

西平陽府安邑縣

桀師敗績

大崩日

湯遂放桀于南巢

今江

州府巢縣桀奔於此。湯因以放之也。桀曰：吾悔不遂殺湯于夏臺。

仁山金氏曰：湯武之稱王，說者多矣。有謂文王受命稱王，至武王稱王，凡十有一年者。疑湯亦然。有謂民無二王，桀紂未絕，則未可王者。湯誓泰誓之稱王，蓋追書也。至於蘇氏，則曰：商周之王不王，不係於桀紂之存亡也。愚謂受命稱王之久，其說失之僭，而桀紂未絕，未王之說，則又失之拘。至蘇氏之說，不拘矣。然通而無制也。夫湯武與師之時，是即受命之日。張子所謂此事間不容髮，一日之間，天命未絕，則為君臣。天命既絕，則為獨夫者，其在此時乎？夫天命已屬師徒，既與則桀紂即獨夫矣。豈待南巢之後，牧野之餘，而天命始絕哉？且湯武既已與師矣，而猶自稱曰：諸侯以令於衆，則是。以諸侯而伐天子，名實俱不可也。然則稱王誓衆，理固然也。而必謂史臣追書不幾於於三王誓衆，理固然也。而必嫌聖人而文之哉。

與師即受命之日

稱王誓衆理固然

仲虺作誥

綱 仲虺作誥以告王。虺為湯左相，誥告也。湯之伐桀，雖順天應人，然承堯舜禹授受之後，於心終有所不安。故仲虺作誥以告王，非特釋湯之慙，而且以曉其臣民衆庶也。語

誕告萬方

綱 王歸自夏，誕告萬方。伐夏歸亳，諸侯率職來朝。湯作誥以與天下，更始語詳商書。湯誥

綱 三月，商王踐天子于亳，定都，建國號曰商。改正

朔，易服色，改歲曰祀。紀 三月，湯歸於亳，踐天子位，定

都焉。以建丑，冬十二月為歲首。色尚白，牲用白，牲以

白為徽號。之屬。綱 王至東郊，論諸侯功罪，立禹後，與

立禹及聖賢後

古聖賢有功者之後，封孤竹等國，各有差。雌。孤竹國在直隸

永平府城西 **綱** 是歲大旱

姓墨胎氏 **綱** 丙申十有九祀大旱

綱 丁酉二十祀大旱 夏桀卒於亭山

綱 戊戌二十有一祀大旱 發莊山之金鑄幣錢也賑民

綱 己亥二十有二祀大旱

綱 庚子二十有三祀大旱

綱 辛丑二十有四祀大旱 禱于桑林以六事自責雨

紀 時大旱七年 湯以身禱於桑林之野 祝曰無以予

一人之不敏 傷民之命 以六事自責曰政不節歟 民

鑄幣賑民

桑林禱雨

六事自責

作大濩樂
作器用銘

失職歟 宮室崇歟 女謁

婦人請託

盛歟 苞苴行歟

裹曰苞 藉曰苴

以物相遺者 必苞苴之

讒夫昌歟

昌盛也

言未已大雨方數千里

綱 作大濩

護

紀 時天雨歲則大熟 天下謹洽 遂作

桑林之樂 名曰大濩

言救護也

作諸器用之銘 以為警

戒

如盤銘之類

綱 祀棄為稷

舊以炎帝子柱為稷 因旱故遷社

以周棄代為稷祠

綱 丁未三十祀 王崩

壽一

嫡孫太甲踐位

成湯娶有莘氏生

子

太丁蚤卒 太丁之子曰太甲 為世嫡孫 湯崩 伊尹奉太甲即位

太甲

綱 戊申 商王太宗太甲元祀 冬十有二月 伊尹祠告

獨益

商

伊尹作書訓王

于先王奉嗣王祇見現厥祖百官總已以聽冢宰伊尹乃明言烈祖之德以訓于王書伊訓王徂桐宮

居憂紀王不明厥德顛覆福湯之典刑伊尹營宮于

桐桐湯墓所在山西平陽府曲沃縣俾王居憂于桐宮使之密邇先

也乃自攝政當國以朝諸侯

綱己酉二祀王在桐宮

綱庚戌三祀冬十有二月朔伊尹奉王歸于亳紀太

甲居桐三年自怨自艾又處仁遷義伊尹乃以冕服

奉迎太甲歸于亳喪既除以衰冕吉服奉迎以歸也太甲增脩厥德

諸侯咸歸保惠庶民不敢侮鰥寡綱伊尹既復政將

告歸乃陳戒于王復政還政太甲也告歸告老而歸私邑也語詳商書咸有一德

綱庚辰三十有三祀王崩廟號太宗子沃丁踐位

沃丁

綱辛巳商王沃丁元祀

綱戊子八祀阿衡伊尹官號阿倚衡平也伊尹薨葬

于亳咎單訓伊尹事述伊尹之事以訓戒王也伊尹卒年百有餘歲大霧三

日沃丁葬之以天子之禮禮祀以太牢親臨喪以服大德

子王子曰湯播告于衆以元聖稱伊尹愚考其大用誠聖人也有大德量有大識見故能數用

各單訓伊尹事

四百餘年
再以此精
微之論

伊尹善用
權
孟子善論
權

權而無沮禦扞格之患五就桀而桀不忌五就湯而湯不疑知桀之終不悛也創大義立大謀相成湯而放伐之天下不驚如探囊取物之易也湯學於伊尹尹之相湯格言至論宜不少矣而不傳於後至湯崩相太甲始有五篇之書與謨之後四百餘年再以此精微之論觀伊訓與上篇之訓王未克變營桐之役此君臣之再變也惟其實德光輝力量重厚朝廷服之而不敢議天下信之而不敢疑嗣上亦竟以是率德為商令主伊尹之用權不可學也非聖人而能之乎古今善用權者莫如伊尹善論權者莫如孟子孟子曰有伊尹之志則可孟子亦不敢以此自任也況格音核悛音詮扞格謂拒扞而餘人哉註音格音難入也悛改也五篇之書尚書中伊訓太甲上太甲中太甲下咸有一德之篇也上篇之訓即太甲上也王未克變營于桐宮太甲上之辭

綱 己酉二十有九祀王崩立弟太庚兄終弟及自太庚始

太庚

綱 庚戌商王太庚元祀

綱 甲戌二十有五祀王崩子小甲踐位

小甲

綱 乙亥商王小甲元祀

綱 辛卯十有七祀王崩弟雍已立

雍已

綱 壬辰雍已元祀商道衰諸侯或不朝

綱癸卯十有二祀王崩弟太戊立

太戊

大脩成湯之政 桑穀生朝

綱甲辰商王中宗太戊元祀毫有祥伊陟相王大脩

成湯之政紀太戊立伊陟伊尹子為相毫有祥桑穀共

生于朝一暮大拱祥災異也桑穀二木名二木合生不恭之罰兩手持日拱太

戊懼問於伊陟陟曰妖不勝德王之政其有缺與王

其脩德太戊從之大脩先王之德三日而祥桑枯死

綱丙午三祀諸侯畢朝紀太戊側身脩行明養老之

禮早朝晏退問疾弔喪三年而遠方重譯見一卷十九來

朝者七十六國又有賢臣巫咸臣扈戶共輔佐之商

道復興○命中衍伯益裔孫為車正

綱戊午七十有五祀王崩廟號中宗子仲丁踐位

仲丁

綱己未商王仲丁元祀

綱甲子六祀遷都于囂教今河南開封府河陰縣是時亳都有河決之患故遷

于囂綱藍夷作寇

綱辛未十有三祀王崩國內亂弟外壬立

外壬

遷都于囂

綱壬申商王外壬元祀。

綱丙戌十有五祀王崩國內復亂弟河亶甲立。

河亶甲

綱丁亥商王河亶甲元祀徙都于相。今河南彰德府是時囂都有河

決之患遂遷于相商道寢晉衰

綱乙未九祀王崩子祖乙踐位。

祖乙

綱丙申商王祖乙元祀圮于相。相都又為河決所圮徙都于

耿。今山西平陽府河津縣

徙都于相

徙都于耿

徙都于邢

綱甲辰九祀圮于耿。耿都又為水所圮徙都于邢。今直隸順德府邢臺

縣巫賢巫咸子作相商道復興諸侯賓服

綱甲寅十有九祀王崩子祖辛踐位。

祖辛

綱乙卯商王祖辛元祀。

綱庚午十有六祀王崩弟沃甲立。

沃甲

綱辛未商王沃甲元祀。

綱乙未二十有五祀王崩國亂祖辛之子祖丁立。

祖丁

綱丙申商王祖丁元祀

綱丁卯三十有二祀王崩國亂沃甲之子南庚立

南庚

綱戊辰商王南庚元祀

綱壬辰二十有五祀王崩國亂祖丁之子陽甲立

陽甲

綱癸巳商王陽甲元祀商道復興諸侯莫朝

綱巳亥七祀王崩弟盤庚立

盤庚

遷都于殷

綱庚子殷王盤庚元祀遷都于殷改國號曰殷紀時

商道寢衰乃謀遷都于殷在河南河南府偃師縣蓋西亳也臣民皆

安土重遷安於故土而不肯遷盤庚作書商書盤庚上中下三篇以告諭

臣民論以遷都之害遂歸于亳改商曰殷盤庚行湯之

政商道復興

綱丁卯二十有八祀王崩弟小辛立

小辛

綱戊辰殷王小辛元祀殷道復興

作書告諭臣民

綱戊子二十有一祀王崩弟小乙立

小乙

綱已丑殷王小乙元祀

綱甲寅二十有六祀古公亶父自豳見上遷于岐今陝

西鳳翔府岐山縣改國號曰周

綱丙辰二十有八祀王崩子武丁踐位

武丁

綱丁巳殷王高宗武丁元祀王宅居也憂甘盤為相紀

武丁居喪弗言以甘盤為相百官總己以聽武丁免喪甘盤

復政告老

綱已未三祀免喪弗言得傅附說悅爰立作相總百

官資學于說紀武丁既免喪猶弗言恭默思道夢上

帝賚予也以良弼乃使人以形圖其旁求求非於天下

說為胥靡築于傅巖胥靡聯繫相從服役囚徒之名

澗水壞道使胥靡築之求得之命以為相以總百官

又置諸左右朝夕納誨以受學焉說乃陳說命商書

三篇上篇記得說命相之辭中篇記說為用訓于王

山堂章氏曰嘗怪傳說以匹夫而登相位不由薦舉不由人望不由家世不由勳業不由資序

說命三命

岡監易知錄

卷之二 商

十一

用人當如堯試舜

祖已訓王

綱 王戊六祀重譯來朝者六國 紀 武丁祭成湯

作祭廟有飛雉升鼎耳而雉始鳴也祖已訓諸王商書

高宗彤日武丁內反諸已以思王道蠻夷重譯見

九 來朝者六國自是章服多用翟羽

東萊呂氏曰災異有二人君之過形見暴露然後出災異以警懼之此無道之君與天地隔絕

高宗近厚之過

伐鬼方

綱 戊子三十有二祀伐鬼方 紀 鬼方無道

名稱各異夏曰獯鬻殷曰鬼方周曰玁狁秦漢曰匈奴唐曰突厥宋曰契丹○儼狁音險允契音乞

丁伐之三年乃克自是內外無患而殷道復興

綱 丁酉四十有一祀周古公亶父生子季歷

綱乙卯五十有九祀王崩廟號高宗子祖庚踐位
祖庚。

綱丙辰殷王祖庚元祀。

綱壬戌七祀王崩弟祖甲立。

祖甲。

綱癸亥殷王祖甲元祀。

綱庚寅二十有八祀周世子季歷生子昌。紀古公之
妃太姜生少子季歷季歷娶太任平聲皆賢婦人太任
生子昌有聖瑞古公曰我後世當有興者其在昌乎。

綱周古公亶父薨少子季歷嗣立。紀古公三子長曰

太伯次曰仲雍一名虞仲少曰季歷太伯虞仲知古
公欲立季歷以傳昌古公病二人託名採藥遂之荆

蠻楚越之界今江南蘇州府國民君事之號為句鉤吳。

綱乙未三十有三祀王崩子廩辛踐位。

廩辛

綱丙申殷王廩辛元祀。

綱辛丑六祀王崩弟庚丁立。

庚丁

綱商

綱壬寅殷王庚丁元祀。

綱壬戌二十有一祀王崩子武乙踐位。

武乙

遷都于河北

綱癸亥殷王武乙元祀遷都于河北今河南衛輝府

綱丙寅四祀王出畋崩于河渭之間子太丁踐位紀

武乙無道為偶人土木謂之天神與之博即雙陸命平聲

人為去聲行天神不勝乃僂辱之為革囊盛平聲血仰射

武乙射天暴雷震死

石之命曰射天畋獵于河渭之間為暴雷震死

太丁

綱丁卯殷王太丁元祀周公季歷伐燕京之戎

綱己巳三祀王崩子帝乙踐位

帝乙

綱庚午殷王帝乙元祀命周公季歷為牧師周公

季歷伐始呼翳徒二戎名之戎王賜之圭瓚秬鬯為侯

伯瓚宗廟裸器圭瓚以大圭為瓚之柄秬黑黍鬯香草合釀酒以降神者皆諸侯用之也釀娘去聲

綱丙子七祀周公季歷薨壽百歲世子昌嗣立是為文王

綱丁丑八祀周西伯昌元年

綱辛巳十有二祀周西伯治岐發政施仁見孟紀西

命周公為侯伯

西伯澤及枯骨

伯行於野見枯骨命瘞意也之吏曰此無主矣西伯曰有天下者天下之主有一國者一國之主吾即其主遂葬之天下聞之曰西伯澤及枯骨況於人乎○西伯篤仁敬老慈少禮下賢者日中不暇食以待士士以此歸之太顛閔夭散宜生鬻子名辛甲事紂七十五諫而不聽皆往歸焉綱鳳凰鳴于岐山在陝西鳳翔府岐山縣去至周綱甲申十有五祀岐周地震紀西伯寢疾五日而地震東西南北不出郊圻西伯曰天之見妖以罰有罪率德改行其可免乎未幾疾愈

岐周地震

綱壬辰二十有三祀西伯昌十有六年周西伯昌生子發紀

初昌為世子娶于有莘氏曰太妣太妣不妒忌生十子長曰伯邑考蚤卒次曰發性慈和有聖德西伯以為世子次曰旦旦師于號叔仁聖多材藝西伯任以政事

綱癸巳二十有四祀命西伯昌距昆夷備獫狁見上十六

綱丙午三十有七祀王崩子辛踐位紂是為紀帝乙妾

生微子又生仲衍已而為后生辛帝乙及后以微子賢欲立為太子太史據法爭諱曰有妻之子不可立

妾之子乃立紂為後

紂辛

綱丁未殷王紂辛元祀王拒諫崇侈嗜酒色

辯捷疾聞見甚敏材力過人手格擊也猛獸智足以拒

諫言足以飾非矜人臣以能高天下以聲以為皆出

已之下○紂性汰侈好酒色始為象箸箕子歎曰

今為象箸必為玉杯玉杯象箸必將食熊蹯煩獸掌日蹯

豹胎他又將稱去聲是主求足欲天下殆哉

綱甲寅八祀伐有蘇氏獲妲己嬖之縱淫樂重刑辟

箕子歎象箸

百姓顛戰怨紂紂伐有蘇氏有蘇氏以妲丹入聲已女

去聲焉妲己有寵其言是從所好者貴之所惡者誅之

於是使師涓亦作涓作朝歌紂都今河南衛輝府淇縣北鄙之音北

靡靡之樂米相順之樂造鹿臺在淇縣為瓊室玉

門臺廣三里高千尺七年乃成厚賦斂以實鹿臺之

財盈鉅橋倉名在淇縣之粟益收狗馬奇物忍去聲充物滿也

宮室益廣沙丘在直隸順德府平鄉縣苑臺南距朝歌北距邯鄲皆為離宮別館

大聚樂戲於沙丘以酒為池懸肉為林男女裸相逐

其間宮中九市為長夜之飲諸侯有叛者妲己以為

靡靡之樂
鹿臺之財

鉅橋之粟

炮烙之刑

剖胎斲脛

罰輕誅薄故威不立乃重為刑辟為威畏斗以火燒
 熱使人舉之手爛更為銅柱以膏塗之加於炭火之
 上使有罪者緣之循柱而過足滑墜火中與妲己觀之大
 樂名曰炮烙之刑刑天下顛怨顛四肢
 綱丁巳十有一祀醢九侯鄂侯諫脯之囚西伯子
 姜有里紀紂以西伯昌九侯鄂侯為三公太師太保九
 侯有女入之紂女不喜淫紂怒殺之而醢九侯鄂侯
 爭諍之強辯之疾并脯鄂侯又剖孕婦視其胎斲捉
 朝涉之脛形去聲視其髓雖上聲斲也紂冬月見
早且涉水者謂其足脛耐寒

文王演易

道文王意中事

此言為得其平西伯請除炮烙之刑

斲而視西伯聞之竊歎崇侯虎知之以告紂紂乃囚
 西伯於羑里殷獄
 綱戊午十有二祀周西伯演易於羑里演易之六十
伊川程氏曰韓退之拘幽操曰日槍槍兮其凝
其盲耳肅肅兮聽不聞聲朝不日出兮夜不見
月與星有知無知兮為死為生嗚呼臣罪當誅
今天王聖明此退之之善誦文王也蓋其日臣
罪當誅分天王聖明道文王
意中事前後之人道不到此
朱子曰雜說云崇侯虎譖西伯曰西伯欲叛紂
怒囚之羑里西伯歎曰父有不慈子不可以不
孝君有不明臣不可以不忠豈有
君而可叛乎此言為得其平云
 綱已未十有三祀釋西伯西伯因獻洛西之地請除

西伯得專
征伐

綱鑑易知錄

卷之二

二

炮烙之刑從之。遂賜西伯弓矢鉞鉞，使得專征伐。紀西伯之臣散宜生，闕天之徒，患之，乃求有莘氏美女，驪戎之文馬，有熊之九駟，及奇怪之物，因殷嬖臣費仲而獻之。紂大悅，曰：「此一物足以釋西伯，況其多乎？」一物指美女乃赦西伯。西伯因獻洛西之地，請除炮烙之刑，紂大喜，許之，賜之弓矢鉞鉞，使專征伐。

虞芮質成

綱 庚申十有四祀，虞芮質成于周。紀虞今山西平陸縣芮今平陽府芮城縣之君相與爭田，久而不平，乃相與朝周，入其境，耕者讓畔，田界也行者讓路，入其邑，男女異

路，班白者不提挈，入其朝，士讓為大夫，大夫讓為卿。二國之君感而相謂曰：「我等小人，不可以履君子之庭，乃相讓以其所爭之田為閑田，而退天下聞之，而歸者四十餘國。」

閑田

女王得呂
尚

綱 辛酉十有五祀，周西伯得呂尚，立為師。紀呂尚者，其先祖嘗為四岳，見二卷佐禹平水土。虞夏之際，封於呂，姓姜氏，尚其苗裔也。西伯將出獵，卜之曰：「非龍，非虜，非熊，非羆，非虎，非貔。」皮所獲霸王之輔，虜似熊，羆似豕，猛獸果遇呂尚於渭水之陽。在陝西西安府渭南縣

綱鑑易知錄

卷之二 商

二二

與語大悅曰自吾先公太公曰當有聖人適周周因
以興子真是耶吾太公望子久矣故號之曰太公望
載與俱歸立為師謂之師尚父

綱乙丑十有九祀西伯伐崇在西安府鄠縣因作豐邑在鄠縣豐

文王徙都豐文王立靈臺

水徙都之詩大雅既伐于崇作邑于豐**綱**周西伯立靈臺文王之為臺所

以候日景占星象望雲物故謂之靈臺**綱**丙寅二十祀周西伯昌薨在位五十年壽九十七歲世子發嗣

是為武王**紀**西伯寢疾謂世子曰見善勿怠時至勿疑去

非勿處此三者道之所以止也世子再拜受教西伯

薨葬于畢在西安府咸陽縣

雙湖胡氏曰史謂文王陰行善諸侯皆來決平
母乃以小人之心度君子之腹者乎嘗讀魯頌
至太王實始剪商論者皆不能不以辭害意也詩
未嘗不慨後之論者皆不能不以辭害意也詩
稱實始剪商特謂王季文王之立由於太王始
至武王有天下推原其故則剪商實自太王始
耳非謂太王真有剪商之心也孔子稱三分天
下有其二特以文王之聖德化所及極其形容
之廣耳豈謂三分有二之聖德化所及極其形容
且以虞芮一質成之後歸文王者四十餘國疆
土未必歸為文王矣至武王之孟津之會諸侯
人心則歸文王矣至武王之孟津之會諸侯不
而集者八百國豈入百國之疆土人先為武
玉有哉亦心悅誠服而趨之者如歸市耳武
之心蓋有推之而不能去逃之而不能免者
矣請得以二王之心暴白於千載之上也

翦商翦斷也魯頌后稷之孫實維太王居岐之陽實始翦商。斷音短。

綱丁卯二十有一祀周西伯發元年

綱癸酉二十有七祀周西伯發元年紀西伯納

呂尚之女曰邑姜邑姜賢立未嘗倚坐未嘗偃怒未

嘗厲是年生子誦

綱丁丑三十有一祀周西伯東觀貫兵戡黎紀西

伯上祭于畢東觀示兵謂示于盟孟津今河南懷慶府孟縣於其

地置津故名孟津。書泰誓言武渡河即盟中流白

魚躍入王舟中魚介鱗之物兵象也白者殷家王俯

西伯東觀兵

白魚入舟

赤鳥之瑞

取以祭既渡有火自上復於下至於王屋王所居屋流為

烏其色赤其聲魄流變化之意赤周所尚色魄安定

烏瑞意鳥為孝鳥武王卒父大業故

是時諸侯皆畔殷歸周不期而會盟津者八百

皆曰紂可伐矣王曰汝未知天命未可也乃引師還

黎國名今山西潞安府黎城縣為不道西伯舉兵伐之既戡勝也

黎前編曰西伯戡黎武王也祖伊祖己之後恐奔告于王

懼伊知周德日盛勢必及殷故恐王曰我生不有命

在天弗聽書傳蔡氏曰孔氏以為武王十一年觀兵十三

西伯戡黎

閒不容髮。一日天命未絕。則是君臣當日命絕。則為獨夫。豈有觀兵而後伐之哉。司馬遷作周本紀。因亦謂觀兵而後伐。紂譌謬相承。展轉左驗。後世學者遂謂實然而使武王蒙千百年賜君之惡鳴。呼惜哉。

綱戊寅三十有二祀。西伯發十微子諫不聽去之箕

子諫被囚。因佯狂為奴。比干固爭死之。紀紂有賢臣

梅伯。性忠直。數朔諫。紂怒殺而醢。海之有雷開者

阿佞。進諛言。紂賜金玉而封之。賞以夏田。微子數諫

不聽。遂去。箕子諫亦不聽。人或曰。可以去矣。箕子曰。

為人臣諫不聽而去。是彰君之惡而自說於民。吾不

忍為也。乃被避髮佯狂而為奴。遂隱而鼓琴以自悲。

傳之曰箕子操。去比干極諫。陳先王艱難。天命不易。

國家將亡之明徵。請王洗心易行。去伏于象魏。見五

八之門。紂大怒曰。比干自以為聖人。吾聞聖人之心

有七竅。遂剖視之。綱商亡。

商之一代
風俗最美

勿軒熊氏曰。天下之治亂。係風俗。風俗之美惡。係人心。三代固有道之長也。而商之一代。風俗為最美。每讀商書。至終篇紂之將亡。三仁寧死。寧遜。寧佯狂為奴。所以自靖自獻者。不敢有一毫負先王之心。伯夷叩馬。一諫。稟乎萬世君臣大義。雖聖人復起。不可易也。或言微子先抱祭器奔周者。非也。書所謂我不顧行。遜我罔為。臣僕者。去而避紂耳。曷嘗有去商即周之事哉。歸

周以全宗祀自是商亡以後事比干之死固已安之箕子之伴狂後來武王下車訪道授聖大法而不為之臣朝鮮長往用廣宗祀此其志何如哉不但也是也當時為商之臣若民者大率有不肯臣周之心大誥洛誥多方多士諸篇班班可睹雖周人日之為頑在商則不失為義矣所謂謂歷三紀而後世變風移蓋當康王之世歸周且四十年矣壯者已老者已死其遺黎真是至不二可見商家一代人心風俗矣夏未之前聞也周平王以後奄奄如一疋羸病廢之人略無能出一服強劑以起其生者則所謂養成一代之人心風俗有王者作誠不可已也

音註自靖自獻我不顧行遜我罔為臣僕商書微子所封國大誥洛誥多方多士皆周書篇名疋羸瘠病之人。疋音汪

右商二十八主計六百四十四年

養成一代人心風俗

周紀

武王 諡法克定禍亂曰武

武王伐商

綱已卯周武王十有三年冬一月癸巳周王發帥師會諸侯伐商告于皇天后土所過戈名山大川紀王聞紂暴虐滋甚殺王子比干囚箕子微子抱其祭器奔周於是徧告諸侯曰殷有重罪不可以不伐遂東伐紂綱春正月周王大會諸侯于孟津誓師伐商二月癸亥周王陳師于商郊甲子商受帥其旅會戰于牧野在河南衛輝府汲縣綱商師潰會受反奔鹿臺自燔死

綱商師潰

會受反奔鹿臺自燔死

周武王

武王

武王

武王

武王

王即位國號周復商舊政紀紂聞武王來亦發兵七

十萬人拒武王武王使師尚父與百夫致師古者將

敵謂之致師以大卒馳紂師紂師雖衆皆無戰心倒

兵以戰反自攻以開武王武王馳之紂兵皆崩畔同

紂反走登鹿臺之上衣去聲珠玉自燔而死武王斬妲

己於是封比干之墓聚土表商容紂所貶之閭發

鉅橋之粟散鹿臺之財歸頃宮之女殷人咸喜曰王

之於仁人也死者封其墓況於生者乎王之於賢人

也亡者表其閭況於在者乎王之於財也聚者散之

封墓表閭

發粟散財

況於復去聲籍乎籍稅也王之於色也在者歸其父母況

於復徵乎徵名也正學方氏曰牧野之兵非武王之志也聖人之

不幸也武成載其時事但曰一戎衣天下大定

不書紂之死者為武王諱故不忍書也他書謂

紂自焚死意為近之蓋武王之於紂非有深讎

宿怨特為民去亂耳使紂悔過遷善武王必不

與師而踰孟津及紂兵已北使紂不死而降武

王必將封之以百里之邑俾奉其宗廟必不忍

加兵於其身也況紂已死乎吾意武王見紂之

死也不踊而哭則命商之羣臣以禮葬之矣豈

復有餘怒及其既死之身乎遷史乃謂武王至

紂死所三射之躬斬其首懸於太白之旗此戰國薄夫之妄言遷取而信之謬也

綱封紂子武庚為殷侯使管叔蔡叔霍叔監殷

唯論

歸馬故牛

封建諸侯

天子王始改正朔。夏以建寅月為正，平旦為朔，殷以建丑月為正，雞鳴為朔，周以建子月為正，夜半為朔。以建子月為歲首，改祀曰年，色尚赤，服以冕。

○歸馬華山之陽，放牛桃林之野，倒載干戈，包之虎皮，車甲衅而藏之府庫，示天下不復用。

○大封建諸侯于天下。紀王追思元聖，封神農之後於焦，黃帝之後於祝，今山東濟南府長清縣。帝堯之後於蓊，今直隸順天府大興縣。帝舜之後於陳，今河南開封府陳州。大禹之後於杞，今開封府杞縣。於是封功。

定諡法

臣謀士而師尚父為首，封於營丘，今山東青州府昌樂縣。曰齊。封周公於曲阜，今山東兗州府曲阜縣。曰魯。召公奭於北燕，今順天府。畢公高於畢，今西安府咸陽縣。叔鮮於管，今開封府鄭州。叔度於蔡，今河南汝寧府上蔡縣。叔振鐸於曹，今兗州府曹州。叔武於郕，今河南在兗州府汶上縣。康叔封於衛，今河南在兗州府。兄弟之國十有五人，同姓者四十餘人。班賜宗彝，宗酒尊盛鬱鬯者有三品，上曰彝，中曰卣，下曰壘。○卣音由，壘音雷。分殷之器物於諸侯。

○紀祀于周廟，追王太王、王季、文王，因定諡法。紀祀于太廟，始定祀先之禮，諱名立諡，諡者諱行立號，以易名也。賤

綱鑑易知錄 卷之二 周武王 二八

不誅磊。誅累也。累列生平實行。若今之行狀。誅之將以作謚。貴幼不誅長唯天

子稱天以誅之天子至尊無二。故讀誅制謚。於南郊。若云受之於天耳。諸侯不

得相誅。追王古公。宣父曰太王。季歷曰王季。文考曰

文王。**綱**柴燔柴以祭。于上帝。望望而祭之。于山川。大告武成。周

有武成篇。**綱**王受丹書之戒。為銘以自警。**綱**王踐阼即位。

也。三月名士大夫而問焉曰惡烏有藏之約行之博

萬世可以為子孫恆者乎。師尚父對曰在丹書。尚書

敬者滅。義勝欲者從。欲勝義者凶。凡事不强則枉。弗

尚父陳丹書

闡言書銘

敬則不正。枉者滅廢。敬者萬世藏之。約行之博。可以

為子孫恆者。此言之謂也。王聞書之言。惕然恐懼。退

而為戒。書於席之四端。及几。鑑。盥。盤。楹。杖。帶。履。屨。

觴。豆。戶。牖。有。劍。弓。矛。各為銘焉。警戒之。辭曰銘。**綱**王訪道于

箕子。箕子陳洪範。洪範周書篇名。詳一卷二十五。漢志曰禹治洪水。錫洛書法而陳之。

洪範是也。史記武王克殷。訪問箕子。以天道。箕子以

紀王克殷。釋箕子之囚。訪問以天道。箕子以洪範

陳之。乃封於朝鮮。在遼東。外徼。而不臣。

穎濱蘇氏曰。箕子之不臣周也。而曷為為武王。陳洪範也。天以是道。與之。禹傳至於我。不可使

周武王

夷齊隱餓首陽

綱。殷故臣伯夷叔齊去周，隱於首陽山，不食而死。紀

伯夷叔齊孤竹第八。君之二子也。父欲立叔齊，及

父卒，叔齊遜伯夷，伯夷曰：父命也。遂逃去。叔齊亦不

肯立而逃之。國人立其中。仲子及武王伐紂，夷齊乃

相與叩馬。叩馬，牽馬也。陳君臣以諫，左右欲兵之。太公曰：

此義人也，扶而去之。武王已平殷亂，天下宗周，而夷

齊恥之，隱於首陽山。陽，府蒲州。義不食周粟，採薇菜

也。而食之，及餓且死，作歌曰：登彼西山兮，采其薇矣。

叩馬以諫

以暴易暴兮，不知其非矣。神農虞夏，忽焉沒

兮，我安適的歸矣。適，從也。吁嗟徂，同兮。命之衰矣，遂餓

死於首陽山。古史考曰：夷齊采薇，野有婦人，曰：子義

道源。劉氏曰：易稱湯武革命，順乎天而應乎人。

孔子曰：伯夷叔齊求仁而得仁，又何怨。蓋言湯

武所以懼後世之為人君者，稱夷齊所以戒後

世之為人臣者，道異而同歸。雖萬世無弊焉。

羅景倫曰：太公之鷹揚，伯夷之叩馬，道並行而

不相悖也。太公處東海之濱，進而以功業濟世；

伯夷處北海之濱，退而以名節勵世。二老者，大

下之大老也。故各為世辦大事，可謂無負文王

綱立。微闡入法。綱遷都于鎬。豪上聲。今陝西西安

遷都于鎬

各辦大事

道異同歸

綱鑑易知錄

卷之二

二十九

建學養老
作大武樂

公劉居豳太王邑岐文王遷于豐至武王遷于鎬

綱建學養老

作大武樂

綱肅慎氏來貢紀時九夷八蠻各以方物來貢肅慎

氏東北夷貢楛矢楛木名可為矢石弩弩石可為矢鏃其長尺有

咫止入寸日咫王欲昭令德之致遠銘其括箭受弦處日括曰肅

慎氏之貢矢

綱庚辰十有四年西旅獻獒獒犬高四尺日獒名公夷作書戒王紀

西旅西夷也底致貢厥獒尺日獒名公以獒非常貢易啓

名公作旅
獒

人主異好不可以示諸侯乃作書名曰旅獒用訓于

王綱王有疾周公旦祝告三后求以身代王紀武王

有疾周公以王室未安殷民未服根本易搖故請命

太王王季文王欲以身代王死史官錄其冊祝之文

藏於金滕周書有金滕篇金滕以金緘之也之匱藏祝冊之匱也王翼日

公歸之明日乃瘳抽愈也

綱辛巳十有五年春巡狩方岳祀百神朝諸侯

綱壬午十有六年夏箕子來朝綱箕子朝周邊戈故

殷墟傷宮室毀圯瘡禾黍生焉欲哭不可欲泣則為

近婦人故作麥秀之歌曰麥秀漸漸麥芒之狀兮禾黍油

油先悅之貌兮彼狡童指紂兮不與我好兮殷之遺民間之

麥秀歌

綱蓋少口錄

綱武王

三十一

莫不流涕

綱乙酉十有九年冬十有二月王崩在位七年壽世

子誦踐位周公旦位冢宰正百工

雙湖胡氏曰武王之為君也夫之為洪範之陳而萬世彝倫之道明次之為丹書之戒而敬怠義欲之辨著織之為九府圜法之立而泉貨之利通報本反始則崇追王祭祀之禮垂裕後昆則立教世子之法至於建官則惟賢也位事則惟能也重民五教而食喪祭之加謹惇信明義而崇德報功之兼盡此其音九府圜法見所以垂拱而天下治也 註三卷第七

尺木堂綱鑑易知錄卷之二

尺木堂綱鑑易知錄卷之三

周之炯靜專

通鑑綱目定本

山陰吳乘權楚材同輯

周之燦星若

周紀

成王 名誦武王之子年十三嗣位在位三十七年諡法安民立政曰成

綱丙戌周成王元年魯公禽父元年周公旦相王踐阼祚而

治紀成王幼不能蒞阼周公攝政踐阼而治南面負

屨負背也屨畫斧屏風高八尺東西當戶牖之間以絳為質畫為斧文天子南嚮而立於其中

周公負屨以朝諸侯

綱鑑易知錄

周成王

抗世子法於伯禽

朝諸侯。○抗世子法於伯禽。抗舉也。舉為世子之法。以教伯禽。使成王有所

過則撻伯禽。所以示成王世子之道也。

吳氏澄曰：書所謂位冢宰正百工，與詩所謂攝政皆在成王諒陰之時，非以幼冲而攝，而其攝也不過位冢宰之位而已，亦非苟卿所謂攝天子位之事也。三年之喪，二十五月而畢，方其畢時，周公固未嘗攝，亦非有七年而後還政之事也。百官總已，以聽冢宰，未知其所從始，如殷之高宗已然，不特周公行之，此皆論周公者所當先知也。

周公作誥告名公

綱周公且作誥以告名公。○今河南河南南府陝州紀時名公為三公自陝以西名公主之自陝以東周公主之成王

王冠

既幼周公攝政當國名公疑之周公作君周書篇名君者頌於是名公乃說史記謂名公疑周公攝政當國周公作君頌按

十綱王冠貫紀既葬武王冠成王而朝于祖以見諸侯周公命祝雍祝史名雍作頌曰祝王辭達而已勿多也

祝雍辭曰使王近去聲於民遠去聲於佞愛也於時惠於財親賢而任能其頌曰令善也月吉日王始加元服冠也

去上聲王幼志服袞職敬也若順也昊天六合天地四方是式

也法也率爾祖考永永無極綱命周公元子伯禽代就封

也法也率爾祖考永永無極綱命周公元子伯禽代就封

綱鑑易知錄 卷之三 周成王 二

周公戒伯禽

綱鑑易知錄

卷之三

二

於魯。紀伯禽就封於魯。周公謂伯禽曰：我文王之子，武王之弟，今王之叔父，吾於天下不賤矣。然我一沐三握髮，一飯三吐哺，口日哺。食在起。以待士，猶恐失天下之賢人。子之魯，慎無以國驕人。

綱管叔及蔡叔、霍叔流言。周公居東。紀管叔及其羣

弟流言，浮浪不根之言。於國曰：公將不利于孺子。指成王。疑

周公。周公乃避位居東。居國之東也。取易之三百八十四

爻，各繫以辭。

綱丁亥二年，王聽政。周公居東，罪人斯得。方流言之起。成王未

周公居東繫易爻辭

周公作詩貽王

王迎周公于東

管叔與武庚叛

知罪人為誰。二年之後，王始知流言之為管蔡，斯得者遲之之辭也。是時成王之疑，十已去其四五矣。

綱戊子三年，周公居東作詩以貽王，名之曰鳴鵙。鵙，

詩幽風篇名。鳴鵙，惡鳥，以其破巢取卵。比武庚之害管蔡而欲毀王室也。綱秋大雷風，王

迎周公于東，出郊。雨反風。紀秋大熟，未穫。黃入聲。刈禾曰穫。

天大雷電，以風禾盡偃，大木斯拔。王大恐，與大夫盡

弁。便也。弁，冠也。以啓金縢之匱，見周公請代武王之事，執

書以泣。乃出郊迎周公。天乃雨，反風，禾盡起。歲則大

熟。綱管叔及蔡叔、霍叔與武庚叛，奄淮夷、徐戎皆叛。

紀成王既迎周公歸，三叔懼，遂與武庚及淮夷等叛。

綱鑑易知錄

卷之三 周成王

三

周公東征

綱命周公東征。周公作大誥于天下。周書有大誥篇綱魯侯

伯禽帥師伐淮夷徐戎。綱討武庚誅之。封微子啓於

宋。今河南歸德府商丘縣以紹殷後。綱致辟誅戮之也管叔于商。囚

蔡叔于郭鄰。中國之外地名降霍叔于庶人。遂定奄及淮

夷。東土以寧。綱周公東征凱還。旋作詩以勞去聲士

卒。語詳詩幽風東山篇

綱己丑四年。王免喪朝先王廟。延訪于羣臣。周公

歸政於王。王中立聽平聲政。而四聖維之。周公常立於

前導天子以道。太公常立于左。輔天子之意。召公常

四聖維王

周公東征凱還

立於右。拂同彌天子之過。史佚常立於後。承天子之遺

忘。是以慮無失計。而舉無過事。

綱辛卯六年。董正百官。制禮樂。紀周公相成王。六卿

冢宰。司徒。宗伯。制禮。作樂。頒量。天下大治。綱越裳氏

來朝。紀交趾。見十四卷十九南有越裳氏。重三譯。見一卷十九而

來獻白雉。周公曰。德澤不加。君子不饗其贄。政令不

施。君子不臣其人。譯曰。吾國之黃者。苟。黃。老人髮白。復黃也。耆。老人面凍。黎色。如浮垢也。曰。天無烈風淫雨。海不揚波。三年矣。意

中國有聖人乎。於是來朝。周公致薦於宗廟。使者迷

綱

周公制禮樂

越裳獻白雉

其歸路。周公錫以駟便平聲車五乘去聲。駟車。四面有屏蔽。皆為指南之制。見十一卷。使者載之。由扶南林邑南蠻國。海際

期年而至其國。故指南車常為先導。示服遠人以正四方。

綱壬辰七年春二月王命太保召公相宅。三月周公

至洛興工營築。王至新邑。命周公畱後治洛。**紀**初武

王作邑於鎬京今陝西西安府。謂之宗周。以王業所由起。是為西都。

將營成周。謂王業所由成。居於洛邑。今河南河南府。而未果。至是王

欲如武王之志。定鼎鼎禹所鑄九鼎。於郊。夾鄆。鄆。東周王城。即洛邑也。

成王如武王之志

十曰傳世三十。歷年七百。其後傳世三十七。歷年八百餘。故曰周過其曆。二

月使召公先相宅。召公先周公。行相視洛邑。三月周公至洛興工

營築。謂之玉城。是為東都。曰此天下之中。四方入貢

道里均也。周公又營成周。王至洛邑。遷殷頑民於成

周。畱周公治洛。王復還歸西都。王居西都而朝。會諸侯於東都。

東坡蘇氏曰。大誥康誥酒誥梓材各誥。洛誥多士多方八篇。雖所誥不一。然大略以殷人不心服周而作也。予讀泰誓武成。常怪周取殷之易。及讀此八篇。又怪周安殷之難也。予乃今知湯已下七王之德深矣。方紂之虐。人如在膏火中。歸周如流。不暇念先王之德。及天下粗定。人自膏火中出。即念殷先王之德。及天下粗定。人自公之聖。相繼撫之。而莫能禁也。使周無周公則

洛邑天下之中

亦殆矣。此周公所註音七王成湯太甲太戊以畏而不去也。註盤庚小乙武丁帝乙

綱設南郊建明堂立大社。逸周書曰設丘兆于南郊

辰先王皆與食又宗祀文王於明堂以配上帝諸侯受命於周乃建大社于國中其壝東青土南赤土西白土北驪土中央黃土將建諸侯鑿取其方一面之土苞以黃土苴以白茅以為土封故曰受削土于周

周公分正東都

綱癸巳八年周公分正東都。**綱**王命蔡仲復封之蔡

紀蔡仲蔡叔之子也。叔沒周公以仲賢命諸成王復

封之蔡。

桐葉封弟

綱甲午九年封弟叔虞為唐侯。**紀**王與叔虞戲削桐

葉為珪同以與叔虞曰以此封若汝史佚因請擇日

立叔虞。王曰吾與之戲耳。史佚曰天子無戲言。言則

史書之。禮成之。樂歌之。於是遂封叔虞於唐。今直隸保定府

唐縣故曰唐叔虞。

周公作無逸

綱丙申十有一年周公在豐。見上卷作無逸以戒王。

周書有無逸篇周公懼成王知逸而不知無逸也故作是書以訓之**綱**周公薨于豐葬

周文公于畢。**紀**周公在豐。前編曰按周公治洛或病

將歿曰必葬我成周以明吾不敢離去聲王周公既卒

成王亦讓葬周公於畢。見上卷從文王以明其不敢

臣周公也。○成王以周公有勳勞於天下賜魯公世

世祀周公以天子之禮樂是以季夏六月以禘禮祀周公於太廟以文王為所出之帝而周公配之

君陳分正東郊

明道程氏曰周公之功固大矣皆臣子之分所當為魯安得獨用天子禮樂哉成王之賜伯禽之受皆非也其因襲之弊皆用之羣公之廟遂使季氏僭八佾三家僭雍徹故仲尼譏之

綱命君陳分正東郊成周紀周公既沒命君陳分正東郊成周

語詳周書君陳篇

成王真得實造之學

東萊呂氏曰君陳之命周公則既沒矣成王真得實造之學當於是篇求之周公之沒也庶臣碩輔尚多立於朝而分正東郊成王獨以屬之君陳是獨何哉斯時也東郊治體所宜盡循周公之典使付之舊臣則諸老固非作聰明亂舊章者然平日與周公比肩同功慮其兢兢循

成王微指在此

作九府圖法

者或未專固微有自用之意於其間則於治體已有閒矣不若弁之後進端慤之人則一意奉承不敢毫髮增損成王微指蓋在此也至於成終之任開闢變化非四世元老莫能之故康王必付畢公焉成康之於前庶音茫屬音治體其觀時義者精矣註祝弁音祕

綱丁酉十有二年巡狩朝諸侯于方嶽因行黜陟之

綱戊戌十有三年作九府圖法紀初唐虞夏商之

世幣也錢金有三品至是太公望乃立九府大府王府內府外府

泉府天府職內職金職幣圖法錢圓函方輕重以銖殊。銖。二。十四分兩

之通九府之用布帛廣二尺二寸為幅長四丈為匹

顧命

綱壬戌三十有七年夏四月王命太保奭及羣臣受顧命顧命周書篇名成王將崩命羣臣立康王史序其事為篇謂之顧命顧命者臨死回顧而發命也 綱王崩太子釗即位

東萊呂氏曰堯舜禹湯文武皆無顧命而成王獨有顧命蓋成王初經三監之變王室幾搖故於此正其終始特詳焉顧命成王所以正其終康王之誥康王所以正其始名釗成王之子在位二十六年諡法溫柔好樂曰康

康王之誥

綱癸亥周康王元年徧告諸侯朝於豐同宮紀諸侯來朝王作康誥周書康王之誥徧告之宣示文武之功業乃朝見諸侯於豐見上卷 宮由是諸侯率服

畢公保釐東郊

綱甲戌十有二年夏六月命畢公保釐安釐離也 東郊 綱戊子二十有六年太保召公奭薨諡曰康公 紀初召公

治西方甚得民和有司請召民名民至庭聽斷 召公曰不勞一身而勞百姓非吾先君文王之志也乃巡行上聲

也察視 鄉邑聽斷於棠樹之下至是卒人思其政不忍

伐棠樹作甘棠之詩國風 歌詠之 綱王崩子瑕踐位

紀成康之際天下安寧刑錯置也 四十年不用

雙湖胡氏曰康王克遵洪業敬恭神人四夷賓服海內晏然百姓興於禮義罔固空虛刑措不用四十餘年有唐虞之風焉吁文武成康父子祖孫聖賢相繼者二百餘年後世謂太和在唐

甘棠之詩

虞成周字宙開貞元會合音罔音陵之運虛丘古而再見者歟註語獄名

昭王名瑕康王之子在位五十年諡法儀容恭美曰昭

綱 己丑周昭王元年

綱 壬寅十有四年魯侯幽弟濇沸弑其君幽公而自

立是為魏公前編曰按弑君爭國之禍自是始而昭王不能討失政甚矣

綱 己卯五十有一年有光五色貫紫微星名天帝室太乙之精

井水溢王巡狩至漢崩于滿踐位紀時周道漸衰王

南巡狩反濟漢漢水在湖廣漢濱之人以膠船黏成也進王至中流膠液流船解王及祭債公祭畿內國周公之後

有光五色貫紫微井水溢膠舟溺王

為王皆溺死

穆王名滿昭王之子在位五十五年諡法布德執義曰穆

綱 庚辰周穆王元年

綱 壬午三年命君牙為大司徒伯冏為太僕正周書有君

牙冏命二篇蓋命君牙為大司徒伯冏為太僕正之誥命也大僕僕御侍從之官正其長也

東萊呂氏曰穆王之書三篇君牙冏命初年之書也呂刑末年之書也觀諸君牙冏命其所望臣僕者深且長矣然此心不繼造父為御周遊天下將必有車轍馬迹導其侈者果出於僕御之閒抑不知伯冏猶在職否也然中雖放逸不克保始而暮年哀敬初心復還謂之全德不可猶不失為周之令主也

穆王西征

八駿

綱丙申十有七年王西征徐戎作亂王歸征徐戎克
 之紀有造父甫。蜚廉六世孫。者以善御幸於王得八駿馬
 列子八駿：騊駼、綠耳、赤驥、白濞、渠黃。
 踰輪盜驪山子。蒟古華字濞音異。西巡狩樂而忘
 反。徐今江南鳳陽府泗州。子嬴姓地方五百里行仁義得朱弓
 矢自以為天瑞乃稱偃王四方諸侯朝於徐者三十
 六國王聞徐子僭號造父為御長驅而歸以救亂與
 楚連謀伐徐徐子不忍鬪其民北走彭城今江南百
 姓隨之以萬數徐子將死曰吾賴於文德而不明武
 備故至此王乃以趙城今山西平陽府趙城縣。封造父其族由

此為趙氏即戰國趙之祖。

謀文諫征犬戎

綱甲寅三十有五年征犬戎紀王將征犬戎西戎也。
 不享祭債公謀父甫。諫曰不可先王耀德不觀貫。兵
 之罪耀明也。夫兵戢而時動動則威觀則玩玩則無震戰
 也觀示也。時動如三時務農一時講武是故先王之制邦內
 之謂威可畏也玩黷也震懼也也。邦內天子畿內甸田也服事也以皆田賦之
 甸服邦內。天子畿內甸田也服事也以皆田賦之也。邦
 外侯服邦外。邦畿之外侯服者侯國之也。侯衛賓服侯
 圻衛衛圻中國之界也謂之賓者漸遠王畿也。蠻夷要
 而取賓見之義侯服外四面又各五百里也蠻夷要
 平服蠻夷去王畿已遠。謂之要者取要約之義特
 聲服蠻夷去王畿已遠。謂之要者取要約之義特
 聲服蠻夷去王畿已遠。謂之要者取要約之義特

翟荒服戎翟去王畿益遠以其荒野故謂之甸服者

祭祭於祖考侯服者祀祀於高曾賓服者享享於二祧要服者貢貢於

日祭祭以日至月祀祀以月至時享享以時至歲貢貢以歲至終王終世

祭不祀不享不貢不王於是乎有刑罰之辟刑不祭

有攻伐之兵伐不祀有征討之備征不享有威讓之令讓不貢

則又增脩於德無勤民於遠單說要荒三服明遠國非近者可比惟有益自

脩德不可加兵致勞吾民也是以近無不聽無不聽遠無不服無不服

之兵其無乃廢先王之訓而王幾頓乎頓壞也既廢先王待荒服

歸禮亦自此壞白是荒服者不至終王之禮壞矣

綱已巳五十年作呂刑誥四方呂刑周書篇名穆王用呂侯為司寇命作

刑書史錄其辭因以呂刑名篇

子王子曰呂刑之書律書也首以五刑創於有

苗不識聖人制刑之本意予固知其為法吏之

辭也舜之刑未嘗不輕而輕者本於罪之可疑

穆王之刑亦未嘗不輕而輕者失於罪之不可

疑

周穆王

周穆王

周穆王

周穆王

周穆王

周穆王

周穆王

者且大辟之刑而可贖則凡有千鍰之貲者無所往而不可殺人矣烏得而不啓後世之亂哉但其盡折獄之情偽曲折而哀矜惻怛之意猶有三代之遺風焉聖人以其世之變法之變存後世聽訟用刑之戒非以其贖刑之可取也

音鍰音環六兩也呂刑云大辟疑赦其罰千鍰

綱甲戌五十有五年王崩于祗宮離宮名百有四歲年子繫

衣扈戶踐位紀初穆王欲肆其心周行天下將皆必

有車轍馬跡焉欲無所祭公謀父作祈招詔之詩以

止王心祈祈父周司馬之官招其名也祭公方諫其

詩曰祈招之悒悒陰式昭德音悒悒安和貌式用也

祈招之詩

能自著思我王度式如玉式如金亦當思我王之常

如金之重形民之力而無醉飽之心若用民力當隨

制玉隨器象形而不王以是獲沒於祗宮問詩改過

共王名繫扈穆王之子在位十二年諡法既過能改日共共音恭

綱乙亥周共王元年

綱丁丑三年王游于涇上京上紀王游于涇上涇水出

密康公母

涇州密今平涼府康公從有三女奔之其母曰必致

之於王夫獸三為羣人三為衆女三為粲粲美物也

汝何德以堪之王猶不堪況爾小醜乎小醜備物終

綱監易知錄 卷之三 周共王 十一

必亡。康公私而不獻。一年。王滅密。

綱丙戌十有二年。王崩。年八十有四歲子囂踐位。

懿王。名囂。共王之子。在位二十五年。諡法溫柔賢善曰懿。

徙都于槐里

綱丁亥。周懿王元年。徙都于槐里。今西安府興平縣

綱辛亥二十有五年。王崩。年五十歲共王之弟辟方立。

孝王。名辟方。共王之弟。在位十五年。諡法慈惠愛親曰孝。

非子封秦

綱壬子。周孝王元年。綱甲子十有三年。封非子為附庸。邑之秦。紀惡來革。

非廉之子之後有非子者。好馬。善養息之。王命主馬汧。

渭之閒。汧渭二水名。汧水出陝西鳳翔府隴州。渭水出陝西臨洮府渭源縣。馬大蕃息。

王封為附庸之君。邑於秦。今陝西鞏昌府秦州使續伯翳。即伯益

大雨雹江漢冰

後。即秦之祖綱大雨。雹。牛馬死。江漢冰。江漢見三五

雙湖胡氏曰。陰陽之氣和而散則為霜雪。雨露不和而散則為戾氣。疇霾雹戾氣也。陰脅陽臣。侵君之象也。當嬴秦始封之時。而災異之見。殺氣若茲。履霜之象。已兆於此矣。天道之倚伏。可畏也。音暄音意。靈音埋。暄霾陰晦也。嬴秦姓哉。註履霜。易坤卦履霜。堅冰至。倚伏。老子禍兮福之所倚。福兮禍之所伏。

綱丙寅十有五年。王崩。年六十有五歲諸侯復立懿王太子。

變肩

夷王

名燮懿王之子在位十六年諡法安心好靜曰夷

天子下堂見諸侯

綱

丁卯周夷王元年天子始下堂見諸侯觀禮廢禮

曲禮

天子當寧而立諸公東面諸侯西面曰朝天子當依而立諸侯北面而見天子曰覲又春見曰朝秋日覲仁山金氏曰孝王崩諸侯復立懿王太子燮是為夷王然則夷王本未必立而立於諸侯之手故為是加禮於諸侯下堂而見之又其時王室浸衰自是末為例矣

綱

己巳三年命虢公伐太原之戎紀時荒服上見不至

命虢公帥六師以伐太原

今山西太原府

之戎至兪泉地名在太原

獲馬千匹

綱甲戌八年楚子熊渠

鬻熊之孫熊繹成王時封於楚蠻姓羊氏居丹陽熊渠其

五世孫也。羊音米丹陽故城在湖廣荊州府歸州。伐庸。今湖廣鄖陽府房縣西有上庸城。揚

厲王烹齊哀公

綱

壬午十有六年王崩子胡踐位綱殺齊侯哀公

不辰

紀侯譖哀公於厲王王烹哀公。立其弟靜。是為胡公。王暴虐詩人作

刺

厲王

名胡夷王之子在位五十一年諡法殺戮無辜曰厲

綱

癸未周厲王元年楚子自去其僭號畏厲王伐去其所僭王號

綱

癸巳十有一年淮夷入寇命虢仲帥師征之

綱辛丑十有九年齊公子山哀公同母少弟弑其君胡公而

自立是為獻公綱齊侯徙治臨菑今山東青州府臨淄縣

綱壬子三十年以榮夷公為卿士紀王好利近去聲榮

芮良夫諫用榮夷公

夷公大夫芮良夫諫曰榮公好專利而不知大難

夫利百物之所生也天地之所載也而或專之其害

多矣夫王人者將導利而布之上神下物者也使神

人百物無不得其極也猶日休惕懼怨之來也今獨

專利其可乎匹夫專利猶謂之盜王而行之其歸鮮

上矣榮公若用周必敗王不聽卒以榮公為卿士諸

侯不亨

綱乙卯三十有三年使人監謗殺言者紀厲王虐

國人謗王名邵公名康公之後告曰民不堪命矣王

怒得衛巫衛國之巫使監謗者監察也以巫有神靈有謗輒知之以黃則

殺之國人莫敢言道路以目以目相王喜告召公曰

吾能弭米止也謗矣召公曰是障防也之也防民之口

甚於防川川壅而潰會水勢橫暴四出口潰傷人必多民亦如

之是故為治也川者決之使導通也為民者宣放也之使言

夫民慮之於心而宣之於口成而行之當成其美而見之施行

名公諫弭謗

胡可壅也。若壅其口，其與民之能幾何。言敗亡王弗

聽於是，國人莫敢出言。

綱丙辰三十有四年，召公作詩。大雅民諷王。綱凡伯

作詩。大雅板切責僚友，因以諷王。

綱丁巳三十有五年，王暴虐滋甚，芮伯作詩。大雅柔

刺之。綱國人作詩。大雅蕩刺王。

綱已未三十有七年，國人叛，王出居彘。值。今山西平陽府霍州

太子靖匿于召公家，紀王心戾。例虐萬民，弗忍，乃相

與叛，襲王。掩其不備，曰襲王出奔於彘，太子靖匿于召公之

王出居彘

家，國人乃圍之。召公曰：昔吾驟諫王，王不從，以及此

難也。今殺王太子，使國人王其以我為讎而歎。

怒乎。讎報也，對怨也。以我為怨夫事君謂事者險危

而不對怨而不怒。危難之中況事王乎，乃以其子

代王太子，太子竟得脫。

綱庚申三十有八年春，王在彘，召公周公行政，號共

和。綱召公周公周公之後二相以太子靖幼，相與和協，共

理國事，號曰共和。

綱癸酉五十有一年，王死于彘，周公召公奉太子靖。

召公存孤

共和

即位。

仁山金氏曰厲王好利用榮夷公又以監諂而殺言者雖芮良夫名穆公交有陳諫又皆有大雅之刺而皆不聽卒以流亡身死於彘嗜好用舍之間可不謹諸賴諸大臣彌縫其間王室不墜卒立宣王相之榮然復興蓋其時周室尚河振也至幽王再禍而宗周為墟訖不復振悲夫

周名輔政

宣王

名靖厲王之子在位四十六年諡法聖善周聞曰宣

綱甲戌周宣王元年周公召公輔政紀周公召公輔

王脩政法文武成康之遺風任申伯仲山甫張仲諸

侯復去聲宗周綱命秦仲為大夫討西戎綱命尹吉甫

帥師北伐玁狁見上卷十六詩人作六月之

綱乙亥二年早綱命方叔將兵南征荆蠻見上卷十七詩人

賦采芑以美王綱遣召穆公虎帥師伐淮南之夷

采芑小雅篇名綱王自將親征淮北徐夷詩人

詩人作江漢以美王綱王自將親征淮北徐夷詩人

脩行宜王側身

綱己卯六年大旱王側身脩行紀宣王承厲王之烈

內有撥亂之志遇災而懼側身脩行去聲欲消去上聲之

天下喜於王化復行百姓見慶故仍叔作詩大雅雲

以美之

綱乙酉十有二年魯侯武來朝以其二子括長戲子

周宣王

不藉千畝

號公諫不藉千畝

見王命戲為魯世子。綱王不藉千畝。紀王不藉

千畝。天子藉田千畝。詳十一卷二十三。號文公諫曰夫民之大事在

農。總句。上帝之棗盛。平聲。於是乎出。民之蕃庶於是乎

生。事之共供給於是乎在。和協輯集於是乎

興。財用蕃殖於是乎始。敦龐厚也。純固於是乎成。是

故稷為大官。農為大事故。后稷為大官。惟農是務。無有求利於其

官。以干犯中農功。三時春夏秋務農而一時冬講武。故征

則有威。守則有財。又說出寓兵於農之意。益見民之大事在農矣。若是則能

媚於神而和於民。享祀時至而布施優裕也。藉田之禮不可

廢如今天子欲脩先王之緒而棄其大功。墮廟之祀

而困民之財。將何以求福用民。王弗聽。

綱乙未二十有二年。王后姜氏脫簪珥。諫王。王勤

政中興。紀王嘗晏起。姜后脫簪珥。簪笄也。珥瑱也。充耳之珠。待罪

於求巷。宮中獄名。使其傅母女師也通言於王曰。妾不才至

使君王樂色而忘德。失禮而晏朝。夫苟樂色必好奢

好奢必窮樂窮樂者亂之所興也。原亂之興自嬖

始。敢請罪。王曰。寡人不德實自生過。非夫人之罪也。

自是勤於政事。早朝晏罷。卒成中興之名。

姜后脫簪珥諫王

馬化人

兔舞鎬京

綱癸卯三十年有馬化為人。紀時有馬化爲人有兔舞於鎬京。

綱壬子三十有九年伐姜戎。西夷別種四岳之後戰于千畝地。

王師敗績。大崩日。

綱癸丑四十年料民于太原。紀王既喪去南國之師。

乃料民。清理民數多少于太原。今山西太原府陽曲縣。仲山甫諫曰民

不可料也。夫古者不料民而知其多少。司民掌登萬民之數。

協合也。孤幼也。終也。司商掌賜族授協民姓司徒協旅。

協民衆。司寇協姦。協姦民以知牧協職。司牧知物工爲師旅。死刑之數。牧協職。司牧知物工。

仲山甫諫料民

協。司工知牛馬。場協入。入之數。廩協出。司廩知

數。是則少多死生出入往來者皆可知也。於是又審

之以事。事見下文。王治農於藉。藉籍田。蒐於農隙。仲

既耕。耕獲亦於藉。獮於既烝。烝升也。孟秋

狩。冬獵於畢時。農時畢也。是皆習民數者也。又何料焉。且

無故而料民。天所惡也。害於政而妨於後嗣。王弗聽。

綱丙辰四十有三年殺大夫杜伯。左儒爭諍死之。紀

王將殺杜伯而非其罪。伯之友左儒爭之於王。九復

不許。王曰。汝別君而異友也。儒曰。君道友

左儒諫殺杜伯

逆則順君以誅友友道君逆則順友以違君王怒曰
易而也言則生不易則死儒曰士不枉義以從死不
易言以求生臣能明君之過以正杜伯之無罪王殺
杜伯左儒死之

綱 己未四十有六年王崩太子涅孽立

仁山金氏曰周自厲王亂政日久紀綱板蕩宣
王初年有志撥亂董生謂其周道粲然復興然
考之諸書似不克終者如廢魯嫡不措于畝喪
師南國料民太原殺杜伯而非其罪大略可見
其後幽王繼之不踰十年而君弑國亡卒以東
遷夫撥亂世反之正非百倍其功不足以興廢
補弊况宣王末政止於如此哉傳謂
夷厲宣幽而貪天禍不為無謂矣

幽王 名涅宣王之子在位十一年為
犬戎所殺諡法動靜亂常曰幽

綱 庚申周幽王元年

綱 壬戌三年王嬖寵褒 保平氏 **紀** 初褒 姒姓國今陝
西西安府褒

城 人有罪請入女子於王以贖罪是為褒姒 幽王三

年之後宮見而愛之生子伯服 史記昔自夏后氏之
衰也有二神龍止於

夏帝庭而言曰余哀之二君夏帝卜殺之與去之與
止之莫吉卜請其幣而藏之乃吉於是布幣而策告
之龍亡而蔡在櫝而藏之夏亡傳此器殷殷亡又傳
此器周比三代莫敢發之至厲王之末發而觀之蔡
流於庭不可除厲王使婦人裸而諫之蔡化為玄龜
以入王後宮後宮之童妾既亂而遭之既笄而孕無
夫而生子懼而棄之宣王之時童女謠曰靡盬其服
實亡周國於是宣王聞之有夫婦賣是器者宣王使

幽王嬖寵
褒氏

川竭山崩

伯陽父論
周亡

執而戮之。逃於道而見嚮者。後宮童妾所棄妖子。出於路者。聞其夜啼哀而收之。夫婦遂亡。奔於褒。褒人有罪。請入童妾。所棄女子者。於王以贖罪。棄女子出於褒。是為褒姒。當幽王三年。王之後宮。見而愛之。生子伯音。雞音。蔡音。龍音。所吐涎沫。亂毀齒也。筭音。胡音。其年十五。而筭。壓山桑。可為弓幹。弧木弓也。其草名似荻。而細。可結為服。以盛箭。**綱**。西。周。三。川。皆震涇。京渭洛竭。岐山崩。紀。西。周。西。都。也。今。陝。涇。出。陝。西。平。涼。府。涇。州。至。渭。渭。源。縣。鳥。鼠。山。至。西。安。府。同。西。安。府。高。陵。縣。入。渭。洛。源。縣。鳥。鼠。山。至。西。安。府。同。黃。河。入。洛。山。至。河。南。河。南。府。鞏。縣。入。河。三。川。皆。震。伯。陽。父。史。老。子。也。曰。周。將。亡。矣。夫。天。地。之。氣。不。失。其。序。若。過。其。序。民。亂。之。也。言民不敢斥王也。陽。伏。而。不。能。出。陰。迫。

而不能丞氣迫之使不能升。於是。有。地。震。今。三。川。

實震地。震。故。三。川。亦。震。。是。陽。失。其。所。而。鎮。陰。也。為陰所鎮。陽。失。而。

在陰在陰下。川。源。必。塞。源。塞。國。必。亡。夫。水。土。演衍。水。土。氣。流。。

通為演。演。猶潤也。而。民。用。足。也。土。無。所。演。民。之。財。用。不。亡。何。

待。昔。伊。洛。竭。而。夏。亡。河。竭。而。商。亡。今。周。德。若。二。代。之。

季。矣。其。川。源。又。塞。塞。必。竭。夫。國。必。依。山。川。山。崩。川。竭。

亡。之。徵。也。川。竭。山。必。崩。若。國。亡。不。過。十。年。數。之。紀。也。

夫。天。之。所。棄。不。過。其。紀。是。歲。也。三。川。皆。竭。岐。山在岐山縣。

見上卷。崩。十。一。年。幽。王。乃。滅。周。乃。東。遷。

綱 癸亥四年衛侯和武公作詩小雅賓之悔過因以諷
 王 羣臣作詩小雅何人斯巧刺譏因以諷王綱詩
 人傷時之亂征役不息作詩小雅芘之華及以刺時
 政

綱 乙丑六年冬十月朔日有食之語詳詩小雅
 綱 丙寅七年用尹氏家父甫作詩小雅節南山篇刺之

綱 丁卯八年以鄭伯友桓公厲王少為司徒
 綱 戊辰九年夏六月隕霜語詳詩小雅正月篇

太子宜臼以褒姒為后其子伯服為太子宜臼奔申

六月隕霜
宜臼奔申

紀 王廢申后及太子宜臼宜臼奔申申姜姓國今河南南陽府鄧州

太史伯陽曰禍成矣無可奈何褒姒不好笑王欲其

笑萬方故不笑王與諸侯約有寇至舉烽火為信邊

日烽火有急則於高處舉之以為號則舉兵來援救王欲褒姒笑乃無

故舉火諸侯至而無寇褒姒大笑褒姒好聞裂繒情

也聲王發繒裂之以適其意虢石父甫為人佞善諛

好利王以為卿用事國人皆怨

綱 庚午十有一年伐申申侯與犬戎入寇戎弑王子

驪山下鄭伯友死之晉衛秦以兵來援平戎與鄭世

無故舉火
裂繒
犬戎弑幽王

諸侯立宜

子掘元突共立故太子宜曰紀王欲殺故太子宜曰

求之於申申侯弗予王伐之申侯與郕國名禹之後人名

西夷犬戎伐王王舉烽火徵兵兵莫至犬戎遂殺王

於驪山在陝西西安府臨潼縣下虜魯褒姒并殺鄭桓公盡取

周寶賂而去晉文侯衛武公秦襄公將兵救周平戎

與鄭世子掘突是為武公即申國共立故太子宜曰是為

平王而西周遂亡

雙湖胡氏曰幽王以妾為妻以孽代宗父子夫婦之間綱常滅矣欲不亡得乎當是時鄭伯友死於戰秦襄公帥師救周力戰破戎衛侯和從晉侯仇令諸侯師擊戎逐之黜伯服鄭世子掘

平王東遷

平王

突收父散兵從諸侯東迎太子是為平王而周之轍遂東政教號令不行於天下矣名宜曰幽王之子東遷洛邑在位五十一年謚法執事有制曰平

綱辛未周平王元年遷都于東都洛邑紀平王立東

遷于洛邑見上避戎寇也是時周室衰微諸侯強并

弱齊楚秦晉始大政由方伯

一敗而齊田宅

東坡蘇氏曰周自平王至於亡非有大無道者然終以不振則東遷之過也武王始營洛邑以居九鼎成王周公成之而周實都豐鎬今平王舉其故都而大棄之譬之富室之子孫一敗而鬻田宅又豈能自立哉凡避寇而遷未有不亡雖不即亡未有能復振者使平王收豐鎬之遺民而脩文武成康之政以形勢臨東諸侯齊晉雖強未敢貳也秦何自霸哉周之失計未有如

東遷之謬者也

綱命秦襄為諸侯，賜以岐豐之地。**紀**王東徙洛邑，秦

襄公以兵送王，王封襄公為諸侯，賜之岐見上卷十四豐

之禮。**綱**命衛侯和、公武為公，錫晉侯仇求命周書有文侯之

見上卷之地，襄公於是始國，而與東諸侯通使聘享

見上卷之禮。**綱**命衛侯和、公武為公，錫晉侯仇求命周書有文侯之

消長升降之會

東萊呂氏曰：文侯篇作於東遷之初，由此而上，則為成康為文武，由此而下，則為春秋為戰國，乃消長升降之交會也。夫平王東遷之初，大雝未報，王略未復，正君臣臥薪嘗膽之時，奔亡之餘，僅得苟安，乃君臣釋然自以為足，嗚呼！周其終於東乎。

秦作西時

綱秦祀上帝于西時。止雉二音。時封土積高之，所以祭天地五帝之基址。

太史公曰：余讀史至大戎敗幽王，周東徙洛邑，秦襄始封為諸侯，作西時，用事上帝，僭稱見矣。禮：天子祭天地，諸侯祭其域內名山、大川，今秦雜戎狄之俗，先暴戾，後仁義，位在藩臣而矚于郊祀，君子懼焉。

綱癸酉三年，以鄭掘突武為司徒。

綱已卯九年，秦東徙汧渭之會。見上

綱癸未十有三年，衛武公薨，子揚嗣。是為莊公**紀**初，武公

衛武公薨傲於國

年九十有五猶箴，對傲於國曰：自卿以下，至於師長，士苟在朝者，無謂我老耄，帽而舍我，必交戒訓導我。

在與有旅賁奔。掌執戈盾。之規位宁主。宁門屏。

朝所守有官師小師也。之典倚几有誦訓之諫居寢有

誓屑也。近侍也。之箴臨事有瞽史樂師。之道宴居有師工

樂之誦史不失書有眸子而無見日矇。不失誦以訓御之於

是乎作懿讀抑。戒即大雅抑之篇。以自警及其沒也謂之獻同。

音聖武公

綱乙酉十有五年秦作郿乎時。紀秦文公夢黃蛇自

天下屬祝地。其口止於郿今陝西延州。衍山陵間。文公

問史敦敦曰此上帝之徵君其祠之於是作郿時用

懿戒

秦作郿時

秦作西

三牲郊祭白帝焉

綱已丑十有九年遣畿奇。內之民戍怨申。申戍屯兵以守也。平王

懷申侯全已之功故為遣戍以防戎戍者怨思作揚之水揚之水國風篇名。

朱子曰申侯與犬戎攻宗周而弒幽王則申侯者王法必誅不赦之賊平王與其臣庶不共戴

天之讎也今平王知有母而不知有父知其立已為有德而不知弒父為可怨至使復讎討罪

之師反為報施酬恩之舉則其忘親逆理而得罪於天已甚矣又況先王之制諸侯有故則方

伯連帥以諸侯之師討之王室有故則方伯連帥以諸侯之師救之天子鄉遂之民供貢賦衛

王室而已今平王不能行威令於天下無以保其母家乃勞天子之民遠為諸侯戍守故戍者

以非其職而怨焉其得罪於民又可見矣嗚呼詩亡而後春秋作其以此夫

遣戍申

綱辛卯二十有一年秦伯文公大敗戎師收岐西之地自岐以東歸于王

綱壬辰二十有二年王室衰微諸侯背叛

綱甲午二十有四年宗周西都宮室圯瘠也詩人作黍

三族之罪

離王風黍離篇綱秦初有三族之罪

綱丙申二十有六年晉侯昭侯封其叔父成師是為桓叔于

曲沃今山西平陽府曲沃縣

綱戊午四十有八年魯初請郊廟之禮紀魯惠公使

宰讓請郊廟之禮於天子王使史角往魯公止雷也

魯之用郊始此

其後在魯於是墨翟之學始此魯之用郊始於此

道源劉氏曰夫惠公之止之則是周不與之矣不與而魯用郊自用之也

綱魯惠公薨國人立其子息姑是為隱公左氏曰惠公元妃孟子卒繼

室以聲子生隱公宋武公生仲子有文在其手曰為魯夫人故仲子歸于魯生桓公而惠公薨是以隱公

立而奉之

仁山金氏曰惠公元妃孟子卒繼室以聲子生隱公則隱公固當立者然不敢自以為正攝位君國將以予桓菟裘之營未畢而卒遇弒為善罹禍此世道之大變也此春秋所為託始也

音菟裘見下

綱己未四十有九年魯隱公元年春王正月紀是時天子

春王正月

春秋託始隱公

孔子修春秋以寓王法

錫魯惠公仲子之賄

日有食之

微。諸侯放恣賞罰不行故孔子因魯史脩春秋以

禹王法託始于此年首書春王正月見十三卷第七綱秋七

月王使宰咺諡上錫魯惠公仲子之賄諷。賄。贈。死之物。

文定胡氏曰以天王之尊下賄諸侯之妾於是三綱淪九法斲人望絕矣夫婦人倫之本朝廷風化之原平王子母親遭褒氏之難廢黜播遷而宗國顛覆亦可省矣又不自懲而賄人寵妾是拔本塞源自滅之也春秋之託始於隱公不亦深切著明也哉

綱辛酉五十有一年春二月己巳日有食之

文定胡氏曰經書日食三十六去之千有餘歲而精曆算者所能考也其行有常度矣然每食必書示後世治曆明時之法也有常度則災而非異矣然後世治曆明時之法也

武氏求賄

綱三月王崩孫林踐位綱秋武氏天子如魯求賄附

賄以貨財助喪事也

仁山金氏曰平王於魯猶歸神子之賄隱公於周不賄天王之喪於報施之禮且猶不可況君臣之際乎武氏子之求在周為屑然魯之不臣甚矣

綱鄭祭債足帥師入寇綱鄭武公莊公為平王卿士

父子俱秉周政王貳于虢欲分政鄭伯莊公怨王王曰無之故

周鄭交質。至王子狐為質於鄭。鄭公子忽為質於周。

王崩。周人將舁與也。虢公政。夏四月，鄭祭足帥師取

溫今河南懷慶府溫縣之麥。秋，又取成周東都也之禾。

桓王名林，平王之孫，在位二十三年，諡法克敬勤民曰桓。

綱壬戌，周桓王元年春二月，衛州吁桓公庶弟弑其君桓

公而自立。衛人殺州吁，立宣公晉。

綱丙寅五年春三月，鄭伯莊公使宛歸祊田于魯。祊，鄭

祀泰山之邑，鄭人請釋泰山之祀而祀周公，以泰山之祊易魯許田。許周公湯沐之邑，祊近於魯，許鄰於鄭，各以其近者相易。

綱己巳八年冬十一月，魯公子軌弑其君隱公而自

立。是為紀羽父甫請殺桓公，將以求大宰。隱公曰：為

其少故也。吾將授之矣。使管菟徒，魯邑在山東濟南府泰安州

吾將老焉。羽父懼，反譖公于桓公，而請弑之。壬辰，羽

父使賊弑公于寫委氏，魯大夫，立桓公。

綱庚午九年魯桓公元年春三月，鄭伯以璧假魯許田。紀

桓公即位，脩好去聲于鄭。鄭人請復去聲祀周公，卒易祊

田。魯雖已入祊田，而猶未肯易許田，故鄭人復請祀周公，以卒成易許田之約。公許之。鄭

伯以璧假許田為聲。周公祊故也。許為周公湯沐之邑，祊為鄭人從祀

泰山之邑皆有關王制不宜私易故託辭壁假以文其非禮為周公許田鄭祊田故也

綱甲戌十有三年秋蔡人衛人陳人從王伐鄭紀初

王奪鄭伯政鄭伯不朝王以諸侯伐鄭鄭伯禦之戰

于繻須葛鄭地在河南開封府鄭州蔡衛陳皆奔王卒大敗祝聃

射石王中去聲肩王亦能軍祝聃請從之謂追鄭伯

曰君子不欲多上人況敢陵天子乎苟自救也社稷

無隕多矣鄭伯使祭足勞去聲王且問左右

綱甲申二十有三年春二月王使家父甫如魯求車

公羊傳何以書譏可譏爾爾三月王崩子佗踐位王者無求求車非禮也

射王中肩

家父求車

莊王名佗桓王之子在位十五年諡法武而不遂曰莊

綱乙酉周莊王元年

綱丁亥三年春正月魯侯桓公會齊侯襄于灤洛魯侯

與夫人姜氏遂如齊夏四月齊侯殺魯桓公立其子

同是為紀魯侯將有行與姜氏如齊申繻須曰女有

家男有室無相瀆也謂之有禮易此必敗公會齊侯

于灤水名在山東濟南府歷城縣遂及文姜如齊齊侯通焉詩人所為

賦南山之詩鳥獸之行淫乎公誦之青文以告文姜告齊

侯夏享公齊侯享使公子彭生乘去聲公與桓公公薨

申繻諫姜氏如齊

于車彭生拉公脅而殺齊人立其子同綱秋。周公黑

肩謀弒王伏誅。王子克奔燕。紀周公黑肩欲弒莊王

而立王子克。桓王庶子莊王辛伯周大夫告王遂與王

殺周公。王子克奔燕。初子儀有寵於桓王。王屬祝也

諸周公。辛伯諫諫周曰。並后妾如匹嫡庶如兩政擅

命。耦國都如亂之本也。周公弗從。故及難及於

綱戊子四年。魯莊公夏單善伯天子送王姬王將嫁

命魯為主。故單伯送王姬於魯。天子嫁女於齊。

諸侯使同姓諸侯主之。不親昏尊卑不敵也。秋魯築

王姬之館于外。以禮接於廟。又不敢逆王命。故築舍

辛伯諫輔子儀

於外。胡氏曰。有三年之喪。天子於義不當使之主。

有為宜不若辭。而冬王使榮叔周大夫如魯。錫桓公命

桓公弒君。兄自立。不請命。而王姬歸於齊。

追錫命。故春秋於王不稱天。王姬歸於齊。

綱甲午十年。夏四月辛卯夜。恆星不見。夜中

星隕如雨。義詳胡傳見十

綱乙未十有一年。冬十一月齊無知弒其君諸兒。齊

名公襄公紀僖公襄公之母弟曰夷仲年。生公孫無知。有寵

於僖公。襄公黜之。公使連稱管至父甫戍怨也葵

丘在山東青州府臨淄縣瓜時瓜熟而往。曰及瓜及明年而代。

恆星不見
星隕如雨
無知弒襄公

小白奔莒

暮戍請代弗許。二人遂因無知以作亂。弑襄公而立無知。初襄公立無常。鮑叔牙曰：君使民慢，亂將作矣。奉公子小白。僖公庶子。奔莒。姜姓國，今青州府莒州。亂作。管夷吾名

忽奉公子糾。九。小白庶兄。奔魯。綱丙申十有二年春，齊人殺無知。魯侯莊公及齊大夫

盟于莒。思。蓋欲迎子糾也。莒魯地。今山東兗州府嶧縣有莒亭。綱夏，魯侯伐

齊，納糾。二公子各有黨，故雖盟而齊小白入于齊。自莒先入。綱秋八月，魯及齊師戰于乾。干。時魯師敗

乾時之戰

績。乾時齊地，時水名。旱則竭涸，故曰乾時。在青州府臨淄縣。小白既定而魯莊公猶不退師，歷時而戰。

戰遂大敗。胡傳曰：內不言敗，此其言敗者何？為與離戰，雖敗亦榮也。綱九月，齊公子小

白立。齊人取子糾于魯，殺之。鮑叔帥師言於魯曰：

子糾親也，請君討之。不忍自殺。請魯殺之。管名讎也，請受而甘

心焉。甘心言欲快意戮之。鮑叔欲乃殺子糾于生竇。

齊桓以管仲為相

夷吾為相。紀初桓公自莒反於齊，使鮑叔為宰。宰，辭

曰：君加惠於臣，使不凍餒，則君之賜也。若必治平國

家，則非臣之所能也。其管夷吾管仲字乎？臣所不若夷

吾者，五寬惠柔民，弗若也。治國家不失其柄，弗若也。

鮑叔薦管仲

施伯請殺管仲

忠信可結於百姓弗若也。制禮義可法於四方弗若也。執枹浮擊也鼓立於軍門使百姓加勇焉弗若也。桓公曰夫管夷吾射寡人中去聲鉤乾時之戰管仲射中桓公帶鉤是以濱近也於死鮑叔曰夫扶管仲指為去聲其君指子糾動也。君若宥而反之使之歸齊夫猶是也。桓公於是請諸魯。莊公以問施伯對曰此非欲戮之也欲用其政也。夫管子天下之才也所在之國則必得志於天下。今彼在齊則必長為魯憂矣請殺而以其屍授之。莊公弗聽使束縛以予齊使比至桓公親逆迎也於郊解其縛。

四民勿使雜處

制國二十一鄉

唯官山海為可

而與之坐問焉。公曰成民之事若何對曰四民者勿使雜處。雜處則其言嗛雜亂也。語其易變易也。昔聖王之處士也。使就閒閒清靜之所。燕清靜之所。處工造作之所。就官府造作之所。處商造作之所。就市井列廛之所。處農稼穡之所。就田野稼穡之所。少而習焉。其心安焉。不見異物而遷焉。是故其父兄之教不肅而成。其子弟之學不勞而能。公曰定民之居若何對曰制國以去聲為二十一鄉。工商之鄉六。士農之鄉十五。公帥去聲十鄉是為中軍焉。國子帥五鄉焉。高子帥五鄉焉。國子高子皆齊上卿各帥五鄉為左右軍。公曰吾何以富國對曰唯官山海為可。

周監書

周莊王

三

耳即山鑄錢謹鹽筴同策與鐵官之數其餘輕重準此

而行然則舉臂勝升事無不服籍者公曰吾欲從事

於諸侯為之奈何對曰作內政內教也而寄寓也軍令於

是制國五家為軌癸軌為之長十軌為里里置有司

四里為連連為之長十連為鄉鄉有良人焉此言以

為軍令五家為軌故五人為伍軌長帥率之十軌為

里故五十人為小戎里有司帥之四里為連故二百

人為卒連長帥之十連為鄉故二千人為旅鄉良人

帥之五鄉一帥去聲故萬人為一軍五鄉之帥帥之春

作內政而寄軍令

以狻搜振旅秋以獮先上聲治兵春獵曰狻秋獵曰獮

此言是故卒伍整於里內政軍旅整於郊軍令內教既

成令平聲勿遷徙更改也伍之人祭祀同福死喪同恤禍

災共之人與人相疇匹家與家相疇世同居少同游

故夜戰聲相聞可以不乖晝戰目相視可以相識其

歡欣足以相死所謂作內政也居同樂行同和死同哀

是故守則同固戰則同彊複說君有此士也三萬人

以方橫也行天下以誅無道以屏周室天下大國之君

莫之能禦也桓公悅於是任管仲為相號曰仲父

仲父

綱丁酉十有三年春正月魯侯莊公敗齊師于長勺入

聲紀齊師伐魯戰于長勺魯地莊公將鼓之欲鳴鼓以進兵曹

劇貴曰未可齊人三鼓劇曰可矣齊師敗績公將馳

逐也之劇曰未可下視其轍登軾而望之轍車跡軾車前橫木劇

曰可矣遂逐齊師既克公問其故對曰夫戰勇氣也

一鼓作氣再而衰三而竭彼竭我盈故克之夫大國

難測也懼有伏焉吾視其轍亂望其旗靡米故逐之

綱已亥十有五年冬十月王崩于胡齊踐位

尺木堂綱鑑易知錄卷之三

曹劇論戰

早稲田大学図書館

011688996238